



Orienteringsnotat, 06.10.21

Vidare prosess knytt til forureiningssak bildekk, Hjelmås

Om prosjektet

Prosjektmetodikken vil setje rammene for korleis vi går fram i saka. Prosjektleiar frå eigedomsforvaltning og prosjekteigar utarbeidar konseptmandat der vi klart definerer mål for prosjektet.

Prosjektet vert todelt i konseptfasen.

I første fase omhandlar prosjektet kartlegging av dagens situasjon. Her har vi kome langt med eigen teknologi i form av ROV. Prosjektet må også kartlegge kva for lovkrav vi må halde oss til. I denne fasen er det viktig å undersøke med overordna mynde og kommunar som har vore involvert i liknande saker. Kva har dei gjort, korleis har dei gjort det og kva har det kosta?

Fleire kommunar har måtte handtere liknande saker. Mange av sakene som førebels er sett på omhandlar nyare forureiningssaker der selskap eller privatperson kan ansvarleggjerast. I vårt tilfelle er ansvarleg selskap oppløyst. Dei aktuelle bildekka har lagt omlag 40 år i sjøen.

Alver har førebels vore i direkte kontakt med Miljødirektoratet.

Neste fase i prosjektet skal peike ut ei retning for tiltak basert på første fase. Ein vil truleg få opp fleire alternative tiltak med ulikt risiko- og kostnadsbilete.

Dersom ein kan nytte kjent teknologi for å løyse saka, vil prosjektet setje opp eit kostnadsoverslag for dette. Dersom det viser seg at det krevst nye metodar eller teknologiar for å løyse utfordringane på beste måte, vil det vere viktig for kommunen å knyte til seg riktig kompetanse. I dette tilfellet er det ikkje gitt at ein kan definere kostnadsbiletet sikkert før ein har kome eit stykke i arbeidet med å utvikle rett teknologi/metode.

Kommunen må i samråd med innkjøpsjef utarbeide strategi for innkjøp og etablere ein tidleg dialog med leverandørar. Dette kan koplast til mogelege forsknings- og innovasjonsmidlar der kommunen eller leverandørane søker støtte til eit kombinert forsknings- og innovasjonsprosjekt.



Uavhengig av kva alternativ som kjem ut av første fase, vil det bli lagt fram ei politisk sak for der ein må ta stilling til kva for alternativ løysing ein meiner Alver kommune skal gå for.

Gjennomføringsfasen vert utgreidd som del av alternativsvurderinga i den politiske saka nemnd over.

Førebels framdrift i prosjektet:

Konseptfase	Planleggingsfase	Gjennomføringsfase
September 21 – Mars-22	Mars – Juni - 22	Haut/Vinter – 22/23

Mogelege støtteordningar:

Miljødirektoratet - forurenset grunn og sjøbunn frist 15.oktober; [Forurenset grunn og sjøbunn: Midler til opprydding - Miljødirektoratet \(miljodirektoratet.no\)](#)